

# BULETIN PUSAT SUKAN UNIVERSITI

EDISI 03 : MEI & JUN 2023

## MIRZA ADLI MEWAKILI MALAYSIA KE SUKAN SEA KEMBOJA 2023

Sekalung ucapan tahniah kepada Mirza Adli Shaharaziz, pelajar daripada Pusat Pengajian Diploma (PPD) kerana telah berjaya mewakili Malaysia dalam acara Traditional Boat Race di Sukan Sea Kemboja 2023. Mirza Adli Shaharaziz akan memperkuat pasukan negara dalam acara Traditional Boat Race di Sukan Sea 2023.

4 MEI 2023



## KEPUTUSAN RASMI VOLLEYBALL OPEN IPT UPSI 2023

Peringkat Kumpulan

UiTM Perlis (25) vs (31) UTHM Lions  
UTHM Lions (31) vs (13) UNIKL BMI  
UTHM Lions (31) vs (30) IPGK P. Teknik  
UTHM Lions (23) vs (31) UMT

Teams UTHM Lions tidak melepassi peringkat kumpulan, tewas dlm kiraan ratio

UMT - 1.24

UiTM Perlis - 1.18

UTHM Lions - 1.17

7 MEI 2023

## ALIFF FARHAN WAKIL PAHANG KE JAKARTA RUGBY 10S TOURNAMENT

Tahniah diucapkan kepada Saudara Nur Aliff Farhan (FKMP) yang telah mewakili Pahang ke Jakarta Rugby 10s Tournament 2023.

Grouping Result :

1. Kuantan Palmyras 21-0 Bandung
2. Kuantan Palmyras 10-0 Jakarta Komodo Green (IND)
3. Kuantan Palmyras 10-0 Gaulois XV Roosters (SIN)

Quarter Final Cup/Plate :

Kuantan Palmyras 0-7 Bali Chilis (IND)

Semi Final Plate :

Kuantan Palmyras 12-0 SCC Charlie's Angels (SIN)

Final Plate :

DKI Spartans (IND) 5-0 Kuantan Palmyras

9 MEI 2023



# PROGRAM BUAL BICARA BERSAMA IKON SUKAN NEGARA SIRI 1/2023



Pentas Utama di Perpustakaan Tunku Tun Aminah, Universiti Tun Hussein Onn Malaysia (UTHM), dipenuhi dengan semangat kecemerlangan dan semangat patriotik pada 16 Mei 2023 ketika Program Bual Bicara Bersama Ikon Sukan Negara Siri 1/2023 berlangsung. Acara tersebut merupakan inisiatif yang sangat dinantikan yang bertujuan untuk menghormati dan memperkenalkan ikon sukan negara kepada pelajar dan atlet UTHM.

Program Bual Bicara Bersama Ikon Sukan Negara adalah satu platform yang dianjurkan oleh Pusat Sukan Universiti bertujuan untuk memberi inspirasi kepada golongan pelajar dan atlet dengan mempelajari dan berkongsi pengalaman hidup dari tokoh-tokoh terkemuka dalam dunia sukan negara. Siri pertama program ini telah memilih Al-Jufferi Jamari, seorang bekas jaguh silat dunia, sebagai tetamu khas pada hari tersebut.

Al-Jufferi Jamari, seorang atlet silat Malaysia yang dikenali di peringkat antarabangsa, telah merebut pelbagai kejuaraan di arena tempur. Beliau diiktiraf sebagai ikon dalam seni bela diri Malaysia dan menjadi inspirasi kepada ramai atlet muda yang bercita-cita untuk mencapai kecemerlangan dalam sukan tersebut.

Program bermula dengan ucapan pembukaan oleh Profesor Sr Ts. Dr. Haji Lokman Hakim bin Haji Ismail, Timbalan Naib Canselor (Hal Ehwal Pelajar dan Alumni) yang menggariskan tujuan utama program tersebut. Beliau menekankan betapa pentingnya penghargaan terhadap warisan seni bela diri Malaysia dan mengapresiasi sumbangannya Al-Jufferi Jamari dalam mempromosikan seni bela diri tempatan di peringkat global.

Kemudian, Al-Jufferi Jamari berbicara secara peribadi mengenai pengalamannya sebagai seorang atlet silat dan pengaruhnya terhadap hidupnya. Beliau mengongsi kisah perjuangannya dalam dunia sukan dan cabaran yang dihadapi semasa mengharungi jalan kejuaraan. Al-Jufferi juga menekankan kepentingan disiplin, kesungguhan, dan ketekunan sebagai faktor utama yang membantunya mencapai kejayaan dalam seni bela diri.

Akhir sekali, sesi tanya jawab interaktif antara Al-Jufferi Jamari dan hadirin turut diadakan. Para peserta program berpeluang bertanya soalan kepada beliau dan mendapatkan wawasan serta nasihat berharga mengenai pengurusan masa, persediaan mental, dan strategi latihan yang efektif. Program Bual Bicara Bersama Ikon Sukan Negara Siri 1/2023 ini berjaya menarik perhatian ramai pelajar. Acara ini berfungsi sebagai landasan pembelajaran dan inspirasi kepada generasi muda untuk memperkasa semangat patriotik mereka melalui penghargaan terhadap seni bela diri.

16 MEI 2023

## MIRZA ADLI GAH DI BUMI KEMBOJA



Saudara Mirza Adli Shaharaziz, pelajar daripada Pusat Pengajian Diploma (PPD) berjaya menyumbang pingat gangsa untuk Kontingen Malaysia dalam acara "Traditional Boat Race 12 Crews U24 Men 800m" di Temasya Sukan SEA 2023 Kemboja.

Ini merupakan pingat kedua disumbangkan Saudara Mirza Adli selepas meraih pingat perak bagi acara "Traditional Boat Race 12 crews Men Open". Syabas & tahniah diucapkan.

17 MEI 2023

## KEJOHANAN KABADDI INTERVARSITI 2023 YUTTAM 2.0.

Berikut Keputusan Rasmi Kejohanan Kabaddi Intervarsiti 2023 Yuttam 2.0.

PASUKAN KABADDI LELAKI  
UTHM 14-20 USM (Suku akhir)  
MANIPAL 25-31 UTHM  
UTHM 33-14 UMP A

PASUKAN KABADDI WANITA  
UTHM 30-26 UNISEL(Suku akhir)  
UTHM 42-19 UPM  
MANIPAL 40-21 UTHM

Pasukan Kabaddi UTHM telah menamatkan saingan di suku akhir kejohanan.

22 MEI 2023



## PROGRAM PERKONGSIAN ILMU MOBILITI SUKAN ANTARABANGSA 2022



Program ini menawarkan platform unik bagi para atlet UTHM untuk memperkaya pengetahuan dan kemahiran sukan mereka melalui pengalaman di luar negara. Dalam acara perkongsian ini, 7 atlet yang terpilih (empat wakil) dengan bangga membagikan pengalaman mereka dengan pelajar-pelajar UTHM yang bersemangat di Auditorium Al Jazari.

Setiap atlet berbagi kisah-kisah inspiratif tentang perjalanan mereka di Bangkok, Thailand. Mereka berbicara tentang tantangan yang mereka hadapi dan pengalaman berharga yang mereka peroleh selama program mobiliti ini. Atlet-atlet tersebut menceritakan tentang kunjungan mereka ke pusat latihan sukan terkemuka di Bangkok, serta interaksi mereka dengan atlet-atlet dari universiti di Thailand.

23 MEI 2023

## ATLET BERBASIKAL UTHM BERJAYA DISERAP KE PASUKAN MUCT



Tahniah diucapkan kepada Atlet Berbasikal UTHM, Mohd Norsyamir (FPTV) dan Umar Addin (FKMP) yang telah terpilih ke Pasukan Malaysia University Cycling Team (MUCT).

MUCT dikendalikan Universiti Teknikal Malaysia Melaka (UTeM) selaku Pusat Sukan Tumpuan Berbasikal IPT. Mereka akan menyertai Le Tour De IPT (LTdiPT) yang akan bermula pada 16 hingga 20 Jun 2023 dengan lima peringkat perlumbaan jelajah. LTdiPT merupakan kesinambungan Varsity Cycling Challenge (VCC) yang diadakan sebelum ini.

28 MEI 2023

## PASUKAN OLAHRAGA CEMERLANG DI VARSITY TRACK & FIELD SIRKIT 2 - STADIUM DARUL MAKMUR KUANTAN PAHANG



### Lontar Peluru Wanita

Nurlzzati binti Alias  
FPTP  
- Pingat Gangsa

### Heptathlon

Cecilia Tan Wen Li  
FPTP  
- Pingat Gangsa

### Heptathlon

Nurul Athilah Iwana bt Mohd Hisam  
PPD  
- Pingat Perak

### Nurlzzati binti Alias

FPTP  
- Pingat Gangsa

29 MEI 2023

## PERJUMPAAN BERSAMA JABATAN PENDIDIKAN NEGERI JOHOR (JPNJ)

Satu perjumpaan bersama Jabatan Pendidikan Negeri Johor (JPNJ) berkaitan pengambilan pelajar bidang diploma laluan khas sukan telah diadakan di Pejabat JPNJ, Johor Bahru hari ini. Sesi perjumpaan ini diketuai oleh Pengarah Pusat Hubungan Industri dan Masyarakat, Prof. Ts. Aida Bt Mustapha dengan diiringi Pengarah Pejabat Pemasaran dan Komunikasi Korporat, Dekan Pusat Pengajian Diploma, wakil Pejabat Pengurusan Akademik dan Wakil Pusat Sukan UTHM.

Pada sesi tersebut wakil UTHM telah membentangkan peluang-peluang yang boleh digapai oleh murid aliran sukan terutamanya yang bernaung dibawah JPNJ untuk memasuki UTHM berdasarkan syarat-syarat khas yang dirangka khusus untuk murid ini.

UTHM ketika ini merupakan pusat sukan tumpuan untuk rowing dan silat dan telah berjaya melahirkan atlet bertaraf antarabangsa. Namun sukan-sukan lain turut mendapat perhatian yang mana atlet-atlet yang berjaya mewakili kejohanan sukan di peringkat nasional apatah lagi antarabangsa turut menerima pelbagai insentif kecemerlangan sukan. Dengan fasiliti sukan bertaraf World Athletics: Class 2 Athletics Facility Certificate yang telah diperolehi pada tahun 2022, UTHM yakin mampu menyokong dan memangkin usaha kecemerlangan sukan negara.

31 MEI 2023



## BENGKEL PEMANTAPAN PASUKAN SUKAN UTHM 2023

Bengkel Pemantapan Pasukan Sukan UTHM 2023 adalah satu platform yang dianjurkan oleh Pusat Sukan Universiti bertujuan untuk memberi maklumat yang tepat berkenaan informasi terkini Pusat Sukan Universiti, takwim sukan UTHM, peraturan dan proseder universiti yang perlu dipatuhi, pembentukan pasukan sukan dan strategi ke arah kecemerlangan sukan UTHM pada masa akan datang.

Selain itu, peserta bengkel telah didedahkan berkenaan ilmu sains sukan dan penyediaan periodisasi pasukan yang telah disampaikan oleh penceramah jemputan daripada Majlis Sukan Negeri Johor (MSNJ), En. Mohamad Nasrun Razin bin Abd Razak.

3 JUN 2023



## NORSYAMIR CATAT TEMPAT KE 11 DI TAMPIN MTB 2023 JAMBOREE MONCHEH

Atlet berbasikal UTHM, Mohamad Norsyamir bin Samandi Marguna daripada Fakulti Pendidikan Teknik dan Vokasional (FPTV) telah mendapat tempat ke-11 dalam kategori lelaki terbuka dan mendapat tempat ke-97 daripada 1600 orang peserta yang bertanding di Tampin MTB 2023 Jamboree Moncheh yang telah berlangsung pada 3 Jun 2023 (Sabtu) di Institut Tahfiz Al-Quran Negeri Sembilan. Kejohanan ini telah disertai seramai 1600 orang pelumba dari pelbagai negara yang bertanding termasuk Singapore, Brunei dan Thailand.

6 JUN 2023



## PASUKAN KABBADI LELAKI TERUS MELAKAR KEJAYAAN

Pasukan kabaddi UTHM telah menyertai Kejohanan Kabaddi Intervarsiti Bersempena Asuran Championship 2023. Pasukan kabaddi Lelaki UTHM telah mendapat Juara dalam kejohanan ini. Selain itu, salah satu atlet Kabaddi UTHM Navin A/L Kannan telah di berikan anugerah Best player of Asuran Championship 2023. Pasukan Kabaddi wanita juga telah menyertai Kejohanan ini namun hanya dapat melayakan diri di peringkat kumpulan sahaja. Tahniah Pasukan Kabaddi atas komitmen dan usaha yang berterusan dalam mengekalkan kejuaraan

8 JUN 2023



## MAJLIS PELANCARAN SUKAN ANTARA KOLEJ (SUKOL) 2023

Majlis Pelancaran bagi SUKOL 2023 telah disempurnakan oleh wakil rasmi Timbalan Naib Canselor YBhg. Prof. Sr. Dr. Hj. Lokman Hakim bin Hj. Ismail iaitu Profesor Madya Ts. Dr. Mohd Halim Irwan Bin Ibrahim, Pengarah Pusat Perumahan Pelajar Universiti Tun Hussein Onn Malaysia.

Dianggarkan seramai 100 orang peserta termasuk urusetia yang hadir untuk memeriahkan majlis tersebut. Majlis dimulakan dengan perasmian oleh wakil rasmi TNC HEPA, Profesor Madya Ts. Dr. Mohd Halim Irwan Bin Ibrahim, Pengarah Pusat Perumahan Pelajar dan disertakan dengan ikrar wakil pelajar dan ikrar penyelaras teknikal permainan.

8 JUN 2023

## PROGRAM PROMOSI LALUAN KHAS SUKAN KE UNIVERSITI TUN HUSSEIN ONN MALAYSIA KE STMI

Pada 8 Jun 2023, di Sekolah Sukan Tunku Mahkota Ismail, Bandar Penawar, Program Promosi Laluan Khas Sukan ke Universiti Tun Hussein Onn Malaysia (UTHM) telah diadakan dengan jayanya! Acara ini bertujuan untuk menarik perhatian atlet pelajar lepasan SPM yang berbakat untuk memasuki program diploma di UTHM.

Dengan bangga, kami membuka pintu ke dunia sukan terunggul kepada para atlet yang bersemangat mencapai kejayaan dalam bidang sukan. Program promosi ini memberikan peluang emas bagi mereka untuk meneruskan pendidikan mereka sambil terus mengembangkan bakat sukan yang luar biasa.

Sekolah Sukan Tunku Mahkota Ismail menjadi pilihan tempat yang sesuai untuk menjalankan program promosi ini. Dengan reputasinya sebagai institusi yang mengutamakan pembangunan atletik dan akademik, sekolah ini adalah wadah yang ideal bagi atlet pelajar untuk berkembang dan berlatih dalam suasana yang memotivasi.

8 JUN 2023



## PASUKAN TENIS UTHM BERJAYA MENYUMBANG PINGAT DI KEJOHANAN TENIS JOHOR JR



Telah berlangsungnya Kejohanan Tenis Johor Jr pada 9-10 Jun 2023 bertempat di Nusa Duta Tennis Complex, Nusajaya Johor. Pasukan Tenis UTHM beraksi cemerlang dengan berjaya mendapat tempat di kejohanan tersebut menerusi acara berikut :

- Acara Single Lelaki
- Pingat Perak  
Mohamad Syafiq Bin Mohd Husain (FTK)
- Pingat Gangsa  
Muhammad Asyraff Fikri Bin Zaulkffali (FPTV)
- Acara Double Lelaki
- Pingat Emas  
Amirul Idham Bin Zaide (FKMP)
- Muhammad Asyraff Fikri Bin Zaulkffali (FPTV)
- Pingat Perak  
Muhammad Adeeb Bin Mohd Noh (FTK)

9-10 JUN 2023

## **PERTANDINGAN BERBASIKAL MAKSAK JOHOR**

Tahniah diucapkan kepada atlet Berbasikal UTHM (Staf) yang telah menyertai Pertandingan Berbasikal MAKSAK Johor pada Sabtu, 8 Jun 2023 bertempat di Majlis Bandaraya Iskandar Puteri, Johor Bahru.

### **Kriteria Individu Veteran (45 tahun ke atas)**

Naib Johan: Mohd Bahtiar bin Mohd Basri  
PTJ: FKAAB

### **Kriteria Individu Lelaki Terbuka**

No 4: Mohd Faiq Khairi  
PTJ: Pejabat Pendaftar

### **Kriteria Wanita Terbuka**

No 4: NorHairani Binti Mukhtar  
PTJ: Pusat Kepimpinan Dan Kopetensi



8 JUN 2023

UTHM 30

LENSA MEDIA

NTARA IAN (SUKOL)

MAJLIS PENUTUP

UTHM 30

LENSA MEDIA

MAJLIS PENUTUP

## **MAJLIS PERASMIAN PENUTUP SUKAN ANTARA KOLEJ (SUKOL) 2023**

Majlis Perasmian Penutup bagi SUKOL 2023 telah disempurnakan oleh Naib Canselor Universiti Tun Hussein Onn Malaysia, YBhg. Profesor Ir. Ts. Dr. Ruzairi bin Abdul Rahim diringi Timbalan Naib Canselor Hal Ehwal Pelajar, Pengarah Pusat Bertanggungjawab dibawah Hal Ehwal Pelajar serta Majlis Pengetua Kolej Kediaman. Dianggarkan seramai 500 orang peserta termasuk urusetia yang hadir untuk memeriahkan majlis tersebut.

Majlis dimulakan dengan ucapan perasmian penutup oleh YBhg. Profesor Ir. Ts. Dr. Ruzairi bin Abdul Rahim serta majlis penyampaian hadiah kepada pemenang.

10 JUN 2023

## PASUKAN MENDAYUNG UTHM BERLEPAS KE INDONESIA

Pasukan Mendayung UTHM telah menerima jemputan menyertai Latihan Prestasi Tinggi dan Pelumbaan Tiga Penjuru bersama Universitas Pendidikan Indonesia & Kontigen Dayung Jawa Barat (Jabar) pada 14 Jun 2023 sehingga 21 Jun 2023 bertempat di Situ Cipule, Krawang, Indonesia. Latihan prestasi tinggi akan diketuai oleh Dr. Drs. Dede Rochmat Nurhaya yang merupakan jurulatih Prestasi Rowing Indonesia. Penyertaan ini penting dlm memastikan pembangunan prestasi tinggi atlet. Penyertaan kali ini juga merangkumi sokongan daripada Pusat Sukan UTHM dan komitment pelajar sendiri dalam penyertaan Latihan Prestasi Tinggi dan Perlumbaan Tiga Penjuru. Semoga maju jaya buat Pasukan Mendayung UTHM.

14 JUN 2023



## EN. KHAIRUL AMIR BERJAYA KEMBANGKAN PENGALAMAN DALAM KURSUS KECERGASAN FUTSAL LEVEL 1 AFC



Tahniah diucapkan kepada En. Khairul Amir (Pusat Sukan Universiti) yang telah mengikuti Kursus Kecergasan Futsal Level 1 AFC anjuran Persatuan Bolasepak Malaysia (FAM) dan Persatuan Bola Sepak Selangor (FAS) dengan kerjasama Sportizza Subang bermula 11 hingga 16 Jun 2023 di Sportizza, Subang Jaya.

Seramai 10 orang peserta dari Malaysia dan 5 orang peserta dari Indonesia telah mengikuti kursus yang telah dikendalikan oleh Ketua Instruktur dari Jepun, Komori Takahiro.

Diharapkan lebih ramai warga UTHM menyertai kursus seperti ini untuk mencari peluang meningkatkan kompetensi diri dalam bidang dan kepakaran masing-masing.

14 JUN 2023

## PASUKAN MENDAYUNG TERUS MELAKAR KEJAYAAN

Berikut adalah keputusan bagi 8 orang atlet mendayung UTHM yang telah mewakili UTHM untuk menyertai Kejohanan Indoor Rowing sempena Sambutan Hari Belia Negara 2023. Sukacita dimaklumkan bahawa 5 orang atlet kami telah mendominasi ranking 3 teratas bagi kategori masing-masing.

### Women U29 2000m

1. Nurzarinah binti Zakaria (FSKTM) - Gold
2. Nur Afiqah Zamia binti Sumeri (FPTV) - Silver

### Men U23 2000m

1. Chan Yu Xuan (FKEE) - Silver
2. Ryan Sim Zhang Yie (FTK) - Bronze

### Men Senior 2000m

1. Mohd Arif Ashraf bin Mohd Rusok (FPTP) - Gold
2. Mohamad Amirul Norhadi (FTK) - Silver

14 JUN 2023



## PROMOSI BERKAITAN LALUAN KHAS SUKAN KE UTHM BERTEMPAT DI SMK TUN HUSSEIN ONN, KLUANG

Pusat Sukan Universiti telah mengadakan satu sesi promosi berkaitan Laluan Khas Sukan ke UTHM bertempat di SMK Tun Hussein Onn, Kluang bersama guru dan pelajar Tingkatan 5. Sekolah ini menjadi destinasi kedua selepas Sekolah Sukan Tunku Mahkota Ismail.

Sesi promosi ini memberikan peluang bagi guru dan pelajar untuk mendapat maklumat lebih lanjut mengenai pengambilan pelajar bidang diploma laluan khas sukan di UTHM. Pusat Sukan Universiti berharap agar lebih ramai atlet sukan mendaftarkan diri sebagai pelajar UTHM sekaligus membawa nama UTHM ke pentas sukan yang lebih tinggi.

15 JUN 2023



## KEJOHANAN TENIS BEREGU UTHM 2023

Pasukan Tenis Universiti dengan kerjasama Pusat Sukan Universiti telah menganjurkan Kejohanan Tenis Beregu UTHM 2023 yang berlangsung pada 16-17 Jun 2023. Sebanyak 16 pasukan telah menyertai kejohanan ini. Pasukan beregu UTHM di wakili oleh Mohamad Syafiq Bin Mohamad Husain (FKMP) dan Mohamad Syahmi Hilmi Bin Zaharuddin (FKEE) telah berjaya mendapat tempat ke-4 dalam kejohanan ini.

17 JUN 2023



## PASUKAN KABADDI LELAKI MENERUSKAN KEMARAAN DI KEJOHANAN KABADDI INTERVARSITI KALAM 3.0

Pasukan Kabaddi Lelaki UTHM menjuarai Kejohanan Kabaddi Intervarsiti Kalam 3.0 di Universiti Sains Malaysia (USM) sekaligus meneruskan kejuaraan sebelum ini diperolehi di Kejohanan Kabaddi Intervarsiti Asuran - UPM awal bulan Jun lalu. Perlawanan akhir telah berlangsung dengan sengit bertemu pasukan tuan rumah USM (A) sehingga beberapa kali menimbulkan sedikit suasana tegang. Namun berbekalkan semangat kesukaran, ketahanan mental dan daya juang yang tinggi dikalangan para pemain, Pasukan UTHM terus menambah mata demi mata dan berjaya mengalahkan pihak lawan. Pasukan Kabaddi Wanita UTHM pula telah berjaya ke peringkat separuh akhir dan mendapat tempat ke empat. Tahniah Pasukan Kabaddi UTHM atas komitmen dan usaha yang berterusan dalam mengekalkan kejuaraan pada edisi akan datang yang bakal berlangsung di UTHM pada November 2023.

17 JUN 2023



## **ATLET BERBASIKAL UTHM BERJAYA MERAIH TEMPAT DI KEJOHANAN LE TOUR DE IPT (LTDIPT) 2023**

Atlet berbasikal UTHM, Saudara Mohamad Norsyamir b. Samandi Marguna (FPTV) telah terpilih mewakili Malaysia Cycling University Team (MUCT) ke Kejohanan Le Tour De IPT (LTDIPT) 2023 pada 17 hingga 20 Jun 2023. Perlumbaan jelajah anjuran Kementerian Pengajian Tinggi Malaysia (KPT) dengan kerjasama Universiti Teknikal Malaysia Melaka (UTeM) ini julung kali diadakan melibatkan 4 peringkat perlumbaan dengan penglibatan 16 pasukan IPT seluruh Malaysia. Saudara Norsyamir berjaya menempatkan diri di tempat ke 14 keseluruhan dari 135 pelumba. Tahniah diucapkan!

20 JUN 2023



## **PASUKAN MENDAYUNG TAMATKAN SESI LATIHAN BERSAMA UNIVERSITAS PENDIDIKAN INDONESIA & KONTIGEN DAYUNG JAWA BARAT (JABAR)**

Pasukan Mendayung UTHM telah menamatkan sesi Latihan Prestasi Tinggi dan Pelumbaan Tiga Penjuru bersama Universitas Pendidikan Indonesia & Kontigen Dayung Jawa Barat (Jabar). Latihan prestasi tinggi akan diketuai oleh Dr. Drs. Dede Rochmat Nurhaya dan Mr Edwin Ginanjar Rudiana yang merupakan jawatankuasa Prestasi Rowing Indonesia. Penyertaan ini penting dlm memastikan pembangunan prestasi tinggi atlet. Penyertaan kali ini juga merangkumi sokongan daripada Pusat Sukan UTHM dan komitment pelajar sendiri dalam penyertaan Latihan Prestasi Tinggi dan Perlumbaan Tiga Penjuru. Sesi latihan dan Perlumbaan Tiga Penjuru diakhiri dengan sesi penyerahan Letter of Intent (LoI) diantara Pusat Sukan UTHM dan Fakultas Pendidikan Olahraga dan Kesehatan (FPOK) Universiti Pendidikan Indonesia. LoI tersebut adalah bertujuan bagi tujuan penyelidikan dan kolaborasi berkenaan pembangunan pelbagai disiplin sukan dalam memastikan pertukaran dan kepakaran diantara dua pihak dapat dijalankan dalam mengembangkan potensi dan pembangunan sukan pelajar di UTHM.



22 JUN 2023

# **KEJOHANAN SEPAK TAKRAW UTHM EDISI KE-5, 2023 "TIGERS CUP"**

Kejohanan Sepak Takraw UTHM 2023 "Tigers Cup" anjuran Pasukan Sepak Takraw Pelajar UTHM telah berlangsung dengan jayanya di SK Pintas Puding, Parit Raja. Pada tahun ini, sebanyak 3 acara telah dipertandingkan iaitu acara regu, beregu dan quadrant. Sebanyak 5 fakulti telah menyertai iaitu FKAAB, FPTV, FPTP, FKMP dan PPD menghimpunkan seramai 70 orang pemain, jurulatih, pegawai, penyokong dan urusetia. Objektif penganjuran adalah untuk mencungkil bakat-bakat baharu dalam sukan sepak takraw untuk di ketengahkan dalam sukan IPT. satu perlawanan persahabatan diadakan diantara Ex-UTHM Tigers (Alumni) vs UTHM Staff seperti pada jam 2.00 petang bertempat di SK Pintas Puding, Parit Raja. Objektif penganjuran perlawanan persahabatan ini adalah untuk memastikan tahap kecergasan dan ketangkasan Pasukan Staf UTHM berada dalam keadaan terbaik selain memeriahkan lagi kejohanan untuk edisi tahun ini. Melalui program ini juga dapat mengukuhkan ukhwah di antara staf UTHM bersama Alumni dan juga atlet pelajar UTHM serta bertukar-tukar pendapat mengenai sukan sepak takraw. Majlis Penyampaian Hadiah telah disempurnakan oleh En. Jasnizam bin Sami, Pegawai Belia dan Sukan Kanan selaku wakil rasmi Pengarah Pusat Sukan Universiti UTHM. Turut hadir adalah Saudara Muhammad Faris bin Abdul Hadi, Mantan YDP MPP UTHM & Mantan Pengurus Pasukan Sepak Takraw Pelajar UTHM.

**Senarai Pemenang:**

## **Acara Regu**

Johan - FKAAB Marvericks (A)  
Naib Johan - FPTV Capybara (B)  
Ke Tiga - FPTP Lion (B)

## **Acara Beregu**

Johan - FKAAB Marvericks (A)  
Naib Johan - FPTP Lion (A)  
Ke Tiga - FPTV Capybara (B)

## **Acara Quadrant**

Johan - FPTP Lion (A)  
Naib Johan - FKAAB Marvericks (A)  
Ketiga - PPD Panther (A)



24 JUN 2023



Diterbitkan oleh :

**BAHAGIAN PENGURUSAN STRATEGIK & KORPORAT  
PUSAT SUKAN UNIVERSITI  
UNIVERSITI TUN HUSSEIN ONN MALAYSIA**

86400, Parit Raja, Batu Pahat, Johor, Malaysia.

Tel.: 07 - 4537479

Fax: 07 - 4536581